



Broj: 01-34-6-67-16/16  
Tuzla, 01.09.2016.

Na osnovu člana 61. stav 2. Zakona o upravi („Službeni glasnik Bosne i Hercegovine“, broj 32/02 i 102/09), člana 62. Zakona o sportu u Bosni i Hercegovini („Službeni glasnik Bosne i Hercegovine“ 27/08 i 102/09), Programa obuke doping kontrolora 2016.-2018. godina broj: 01-35-3-62/2016 i Odluke ravnatelja Agencije za antidoping kontrolu o raspisivanju Javnog poziva za obuku doping kontrolora broj: 01-34-6-65/2016 od 26.01.2016. godine, ravnatelj Agencije za antidoping kontrolu **r a s p i s u j e**

### **DODATNI JAVNI POZIV**

#### **1) za obuku i certificiranje doping kontrolora za prikupljanje uzoraka krvi**

Sukladno Međunarodnoj konvenciji protiv dopinga u sportu, Svjetskom antidoping kodeksu, Zakonu o sportu u Bosni i Hercegovini („Službeni glasnik Bosne i Hercegovine“ br. 27/08, 102/09), Međunarodnom standardu za testiranje i istrage i Programu obuke doping kontrolora 2016.-2018. godina (u daljem tekstu: Program), pozivaju se zainteresirana fizička lica da se prijave na Javni poziv za obuku i certificiranje doping kontrolora za prikupljanje uzoraka krvi. Sukladno Programu Agencija za antidoping kontrolu Bosne i Hercegovine (u daljem tekstu: Agencija) će za kandidate koji ispunjavaju uvjete organizirati obuke u sljedećim gradovima: Sarajevo, Banjaluka i Tuzla. Broj kandidata je ograničen: Sarajevo (13), Banjaluka (10) i Tuzla (8). Kandidati će dobiti upute za pripremanje i polaganje ispita za stjecanje certifikata o završenoj obuci doping kontrolora za prikupljanje uzoraka krvi. Navedeni ispit se sastoji od pismenog i praktičnog ispita, nakon čega će se kandidatima koji polože ispit izdati certifikat. Akreditiranje doping kontrolora koji polože ispit izvršit će se prema Programu. Akreditirani doping kontrolori stječu mogućnost da budu angažirani po ugovoru o djelu za uzimanje uzoraka krvi na takmičenju i van takmičenja. Broj akreditiranih doping kontrolora za prikupljanje uzoraka krvi je ograničen, a lista akreditiranih doping kontrolora utvrđuje se na osnovu rezultata ostvarenih na ispitu i rang liste kandidata. U slučaju prijave većeg broja kandidata od propisanog, Agencija će provesti predtestiranje kandidata s ciljem osiguranja potrebnog broja polaznika obuke.

#### **UVJETI:**

Pored općih uvjeta, kandidati trebaju ispunjavati i posebne uvjete:

- završen medicinski fakultet, fakultet zdravstvenih studija ili zdravstvene njege, visoka zdravstvena škola, viša ili srednja medicinska škola,
- položen stručni ispit,
- radno iskustvo od najmanje šest mjeseci na poslovima vađenja krvi izdato od strane relevantne zdravstvene ustanove,
- aktivno znanje engleskog jezika (najmanje nivo B1),
- poznavanje rada na računaru,
- vozačka dozvola „B“ kategorije.

**Potrebna dokumentacija:** Ispunjen i potpisan prijavni obrazac (koji se može pronaći na [www.ada.gov.ba](http://www.ada.gov.ba)), kopija diplome o završenom obrazovanju, kopija uvjerenja o položenom stručnom ispitu, dokaz o radnom iskustvu na poslovima vađenja krvi

(Uvjerenje zdravstvene ustanove), dokaz o aktivnom poznavanju engleskog jezika, dokaz o poznavanju rada na računaru (MS Office), kopija vozačke dozvole, kopija lične karte, biografija s kontakt podacima. Traženi dokumenti moraju biti ovjerene kopije ili originali i ne podliježu vraćanju.

Prijave sa dokumentacijom potrebno je dostaviti preporučeno putem pošte na adresu: **Agencija za antidoping kontrolu BiH, ul. Maršala Tita 36, 75000 Tuzla**, sa naznakom:

***„DODATNI JAVNI POZIV ZA OBUKU I CERTIFICIRANJE DOPING KONTROLORA ZA  
PRIKUPLJANJE UZORAKA KRVI“***

Krajnji rok za podnošenje prijave je **20.09.2016. godine**. Nepotpune i neblagovremene prijave, kao i prijave poslane elektronskom poštom neće se razmatrati.

**RAVNATELJ**

**SLAVKO MATIĆ**